



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

I. De primatu Proculi episcopi Maßiliensis.

urn:nbn:de:hbz:466:1-15256

^aCONCILIVM ^bTAVRINENSE
EPISCOPORVM GALLIÆ ROGATV
IN TAVRINATVM VRBE CONGREGATVM,
x. Kalendas Octobris, anno Christi, vt coniectu-
ra est, cccxcvii. Honorii Augusti III. Siricii papa
XIII.

TITVLI CANONVM.

- | | |
|--|--|
| I. De primatu Proculi episcopi
Massiliensis. | extitit. |
| II. De primatu Arelatensis &
Viennensis ecclesie. | VI. De iis qui a Felicis episcopi
communione se separare volue-
rint, vt recipiantur. |
| III. De ordinationibus illicitis
contra statuta patrum presump-
tis. | VII. Ut clericum alterius nemo
suscipiat, vel ecclesie sue ordi-
net, neque abiectum in commu-
nionem recipiat. |
| IV. De Palladio laico, qui presby-
tero crimen intulerat. | VIII. De ordinatis contra interdi-
ctum, & de iis qui ordinati fi-
lios genuerunt. |
| V. De Exuperantio presbytero,
qui episcopo suo contumeliosus | |

SYNODICA

AD VNIVERSOS EPISCOPOS GALLIARVM.

*Sancta Synodus, quæ conuenit in vrbe Taurinatium die x.
Kalendas Octobris, fratribus dilectissimis per Gallias
& quinque prouincias constitutis.*

CVM ad postulationem prouinciarum Gallie sacer-
dotum conuenissemus ad Taurinatium ciuitatem,
atque in eiusdem vrbs ecclesia auctore vel medio Do-
mino federemus, auditis allegationibus episcoporum,
eorum videlicet qui ad iudicium nostrum fuerant con-
gregati, de singulis negotiis hæc sententia forma pro-
cessit; ita vt pacis bonum, & instituta Canonum serua-
rentur, & plurimorum intentionibus adhiberetur utilis
medicina.

I.

Nam cum primum omnium vir sanctus^d Pro-
culus Massiliensis episcopus ciuitatis se tamquam

ANNO
CHRISTI
397.

metropolitanum ecclesiis, quæ in secunda prouincia Narbonensi positæ videbantur, diceret præesse debere, atque per se ordinationes in memorata prouincia summorum fieri sacerdotum: siquidem assereret easdem ecclesias vel suas parochias fuisse, vel episcopos a se in eisdem ecclesiis ordinatos; & e diuerso eiusdem regionis episcopi aliud defenserent, ac sibi alterius prouinciæ sacerdotem præesse non debere contenderent: id iudicatum est a sancta Synodo contemplatione pacis atque concordia, vt non tam ciuitati eius, quæ in altera prouincia sita est, cuius magnitudinem penitus nesciremus, quam ipsi potissimum deferretur, vt tamquam pater filiis honore primatus adsisteret. Dignum enim visum est, vt quamuis vnitate prouinciæ minime tenerentur, constringerentur tamen pietatis affectu. Hæc igitur ipsi tantum in vita eiusdem forma seruabitur, vt in ecclesiis prouinciæ secundæ Narbonensis, quas vel suas parochias, vel suos discipulos fuisse ordinatos constiterit, primatus habeat dignitatem. Illud quoque a partibus sit obseruandum, quod licet ex superfluo, non tamen inutiliter commonetur, vt ipse sanctus Proculus, tamquam pius pater, confacerdotes suos honoret vt filios; & memoratæ prouinciæ sacerdotes, tamquam boni filii, eundem habeant vt parentem, & inuicem sibi exhibeant caritatis affectum, impleto hoc quod ait beatus Apostolus, *Honore mutuo prouenientes, non alta sapientes, sed humilibus consentientes.* Rom. 12. 10. & 16.

I I.

Illud deinde inter episcopos vrbium Arelaten-

M m m iij